




*Diario 17-1-'91*

ARUBA ANTANO durante guerra mundial...ta di ser recorda actualmente ora cu mundo henter ta pendiente di e Crisis y Despues di e Deadline den Medio Oriente. Otro luna ta haci net 49 aña pasa cu Aruba a resulta di ta e unico den e hemisferio aki cu a mira accion di e segunda guerra mundial dilanti di su porta. Tur esaki a bini ora cu e aliadonan tabata ricibi 6 barri di combustibile for di e dieznan cu nan ta haya, y esaki tabata bini for di Lago den su contribucion pa cu e guerra contra di e alemanan. Mirando esaki Adolf Hitler a manda traha un submarino of mas di uno na Kiel, cual hunto cu cuatro mas a ricibi e consigne pa bai den e laman ca ribe y ataca e lake-tankernan; tira riba Lago y finalmente laga nos dushi isla plat. Pero manera nos a bisa semper cu nos isla ta manera un isla bendiciona.. Ni horcan ni guerra ta destina pa nos porta. E tripulacion di e marino U-156 bao di e comando di su capitan Werner van Hartenstein cu su tripulante joven ya cu cada uno tabata conta cu solamente diezseis aña di edad, y e lt. van Borgh a zarpa pa den nos laman. Poco nan a keda pa nort di westpunt. otro biaha dilanti di cai, y hasta drenta den nos lagoon pa observa e bombarnan cu tabatin na vliegveld. Manera un caimanboca di rieuw nan a drumi warda riba orden cu tin di bini pa nan drenta den nan accion..Ora cu esaki a yega prome cos cu nan a haci tabata di torpedea e lake-tankernan, y esun prome cu a ser parti den dos tabata esun cu tabata carga e nomber di Pedernales. Tabtin algun barco riba laman cu a desaparece y te cu awe ta ser pensa cu esakinan tambe a bira victima di e submarino aleman. E accion nan aki di e alemanan durante segunda guerra mundial a pone Aruba como e unico den e mar Caribe cu a mira y sinti algo di e segunda guerra mundial. Dia 16 di Februari di 1942 apenas algun minuut despues di 12'or nan a drenta den accion. Na e waf di Eagle taba tin uno cu yama Arkansasy un torpedo a pasa den su barica, pero debi cu esaki tabata bashi solamente a keda un buraco grandi. Otro torpedo a subi riba e strand dilanti caminda awe ta Manchebo Beach, cual torpedo despues cu a bini un monteur di Corsow (macamba) pa desmantela esaki, esaki a explota causando varios morto for di e marine korps. E dos rubianonan Bremer

cu Kock tabata e dosnan cu te cu e dia di awe ta sinti e efecto di e explosion y ta sufriendo di nan defecto na oido; pero nunca e dosnan aki a ricibi ningun clase di compensacion pa nan labor como militar durante e guerra cu a toca porta di Aruba, siendo cu e macambanan cu si a keda na bida, y si nan ta na bida, te cu e dia di awe ta hayando compensacion pa nan servicio presta como militar. Esnan di nan dos solamente a keda e dicho conoci cu "danki di mundo ta pishi di yewa". Actualmente tin un guerra dilanti porta, cual lo ta su saldo, hopi ta pronostica n cu otro, pero sigur cu e lo ta diferente for di e dosnan prome; esun di 1914 unda cu tambe gas a ser usa den dje como arma; y esun di dos den cual arma nuclear tambe tabata e parti final ora cu e bomba atomica a ser tira riba Hiroshima y Nagasaki. Aruba Antaño a conoce black-out, florin di papel corra yama 'sobrecama' - servicio militar pa nos ischutternan sin un compensacion cu vale la pena. Nomás cu cada por a keda y biba cu e recuerdonan di esaki. Come malo y bai cera; otronan cu a perde bida, den Lago na warda; na powerhouse di Eagle; cu tiro riba waf; cu tiro na balashi, pa despues sali despues di guerra sin por pasa na ocupa nan trabao di antes, sino tin di acepta loke tin na e momento ey. Aruba Antaño den tempo di guerra a mira y sinti hopi cos y e Aruba Actual no mester kere cu e lo no sinti nada di efecto negativo ora cu otro guerra start.